


نومرو ۲۵ / 745



۱۵ جزیران ۳۲۷

آدرس :

اجتهاد اداره خانه سی :

شهر امانتی قارشیدنده دائره

مخصوصه در .

سنه ۴۰ ، نسخه سی

۲ غروشدن .

# اجتهاد

آدرهتر :

IDJTihad

Constantinople



اوچنچی سنه

آیده ایکی دفعه نشر ایدیلیر فنی ، اجتماعی ، ادبی ، سیاسی مجموعه

اهون فيثا تله طوبراق اشترا سنك نه قادر تتمعلی اولاجاغی  
سویله مهیه لزوم یوقدر .

خلاصه :

اجالاً دییه بیلیرزکه بو کونکی وسائط ابتدایه ایله  
دخی فیضدار اولان آتله زراعتی، اصول فیه حاضر دایله  
اجرا ایدلدیکی حالده، آتله ده اراضی زراعه اشترا سنك  
سرمایه داران ایچین پك الویریشلی بیر معامله اولاجاغی  
شبه سزدر، طوبراق، خاصه طبیعی سی اعتبار ایله، پك محصولداری،  
کونش حرارتلی، اسقا ایچین میاه بول. بو اوج عنصر،  
زراعتک روحی مقامنده در و موقیت امیندر. شو فکده یمکه  
مصرفن باشقا هیچ بیر مملکت یوقدرکه بیان ایتدیکم منابع  
طبیعیه ثروته معادل منابع ثروت کوسته دره بیلسین ده کسب  
و حفظ ثروت خصوصنده (آتله یه) فاقت ابراز ایتسین. اصول  
فیه نك طبیعت نه درجه لر قادر یار دیم ایتدیکی و منافع و سعادت  
اصلیه یی نه درجه آر تیر دینی نظر اعتباره آلینرسه، آتله نك،  
ایلك فرصت مساعدده، بو حقیض فقر و سفالتدن بیر حمله ده  
اوج ثروت و سعادت ترفع ایتمه سی موجب حیرت اولمایا جقدر.  
مصر : شباط سنه ۱۹۰۹



### وثائق حقوقیه

صیانك شهادتلی قبول اولنورمی ؟  
مسائل منازع فیهاده حتی یاطلدن تقریق واسطه لرندن  
بیری ده شهودك شهادتی در .

شاهدك شهادتی حکامك قبول ایده بیلملری، مجله ده  
تصریح اولندینی اوزره، شاهدك عادل اولسیله مشروط  
بولندیغنه کوره صیبرك، شهادتلیینه حکامك التفات  
ایده ماملری ضروری اولق لازم کلیر .

منازعاتك ماهیت واسبابی تتبع ایتدیکمز وقت طرفینی

حسب الزمان فاسق و یا بر طرفی عادل بولنسه بیله دیگر  
طرفك علی الاطلاق فاسق بولندیغنی کورورز. کذلک بمض  
احکام جزاییه یی اوقویورزکه بر مسئله جرمیه، حکام مجرد  
فراستله حق وعدلی اکلامش فقط اکلا دیغنه دلیل قانونی  
اوله بیلجك اقرار شویله طورسون نه بر بیته شخصیه  
ونده بر بیته تحریری، هله قرینه قاطعه یی هیچ بروجله  
الده ایدماملش، تماماً قناعت وجدانیه سی حصوله کتورن  
فراستله حکم ایده مه جکنی و دلیل قانونی یی الده ایده .  
مدیکندن جق وعدلی اطهاره موفق اولماق تهلکه سنده  
بولندیغنی حس ایده رك صوك درجه ده اضطراب و الم  
روحانی ایچنه دوشر، بونی طرز جریان محاکمه دن  
رغنا کلا یورز . ایشته هانکی وقایعه، صیبرك،  
شهادت لرندن نه صورتله استفاده ایتک لازم کله جکنی  
حکام کرامه بیان ایلک البته قانده دن خالی اوله ماز .  
بومسئله ده ارای علما متشتت بولندینی معلومدر. اختلاف  
مذاهبله برابر طریق صوابی اك اچیق طرزده تتبع ایتمه  
ایضاح ایتش اولان علماء حنبلیه دن وسکزنحی عصر هجری  
اعاظم رجالدن شمس الدین ابو عبدالله محمد ابن رقم الجوزمه  
نك بو یابده کی تتبعاتی تبیین مقصده کافی کورمه کله بروجه  
آتی ترجمه سنه مبادرت ایتدم :

امام ابو حنیفه و امام شافعی حضرتلری صبی میزك  
شهادتی بخویز بیورماملش درر. امام احمد حنبل حضرتلرندن  
منقول بر روایتده صبی میزك شهادتی مردوددر . ایکنجی  
روایت کوره شرائط سائر نك وجودی تقدیرنده مقبولدر.  
اوجنجی روانت ایسه قوه میزه اصحابندن اولان صیبرك  
یکدیگری علیه لرنده ارتکاب ایلدکلری جرایمه متعلق اولق  
اوزره قبل التفرق ادا ایتدکلری شهادتلی مقبول بولندیغنی  
میتضمندر .

امام مالک حضرتلرینك مذهبلری امام احمد حنبل دن  
محکی شو اوجنجی روایت مطابقدر .

صیانك جواز شهادتلیینه دائر ابن الزمیردن منقول

ابن جریر حدیث روکیع روایت ایلمشدر . ابن الزبیرك قولیه عمل ایتمیان بر قاضی زماننده کورمیدیکی ابن ابی ملیکه سویلمشدر . [۴]

ابن ابی ملیکه دیور ایدی که : قوه ممیزه اصحابندن اولان چوجقلمر نشان اورمق ؛ دشمن ایله اوروشمق ؛ کورشمک ؛ سلاح طاشیمق ؛ واستعمال ایلمک ؛ میدان محاربهده دشمنی قاورامق واغفال ایچون قاجنی کوسترمک ؛ اعضای بدنیه لرینی سرتلشدیرمک ؛ آیاقلرینی قوتلندیرمک هجوم ومدافعه قواعدینی وعار فراردن امتناع خصائلی اوکرتمک مأمورمن طرف الشارع بولندقلرندن اکثر حاللرنده یالکز بر اقیله جقلمر ، و یالکز بر اقلقلری زمان بعضاً بری دیکری علیهنده بر جرم ارتکاب ایده جک ، بناءً علیه بولنرک یکدیگری علیهنده شهادتلی قبول اولنمه . جق اولولورسه دملری هدر ایدلمش بولنجق ، حالبوکه حضرت شارع حقوق عادیهده هبچ قبول ایتمدیکی اماره یی اثبات جرم دعواسنده قبول ایتمک صورتیه حفظ دم بنی بشر حقتده وجوب احتیاطی امر بیورمشدر . صبیانک شهادتلی معتبر اولمق لازم کله جکنه اصحاب کرامدن علی ابن ابی سفیان ؛ عبدالله ابن الزبیر وقایعیندن سعید بن المسیب ؛ عمرو بن الزبیر ؛ عمر عبدالعزیز ؛ الشعیب ؛ النخعی ؛ شریح ؛ ابن ابی لیلی ؛ ابن شهاب ؛ ابن ابی ملیکه رضی الله عنهم حضرتانی قائل اولمشلردر . حتی ( ابن الزبیر ) ک قولیه ، حکم ایتمیان بر قاضی کورمیدیکی ابن ابی ملیکه وشهادت صبیان قبول ایتمک سنت اولدینی ابوالزبید سویلمشلردر .

[۴] شرح امام اعظمک مسائل اجتهادهده احکامنه اک زیاد تمسک ایتمدیکی بیر ناثدر . ( ابن خالکان ) ک بیانته کوره قاضی شرح حضرتلری تابعیند . یعنی حضرت پیغمبر ایله او طورمش ؛ و کورووشمش اولان ذوات ایله کورووشمش نواتندزدو . عمر ابن خطاب حضرتلری زن نسنده ( کوفه ) ده بتشمش سنه حاکم الشرع بولونمشدر . ( تاریخ ابن خلدکان جلد ۱ ، صیغفه ۲۸۱ )

روایتک صحیح اولدینی ابن حزم ؛ ابن الزبیرك بو روایتی عنداقتضا معمول بها بولدینی ابن ابی ملیکه سویلمشلردر . صبی علیهنده صبیانک شهادتی علی ابن ابی طالب حضرتلری تجویز بیوردقلرینی حسن دن نقلاً ، ( قتاده ) روایت ایتمشدر . صبیانک شهادتلی صبیان عاهلرنده خانهلرینه کیریلوب خلافی کنیدلرینه تعلیم اولندجقه جائز بولدیغه حضرت معاویه حکم ایلمدیکی و علی ابن ابی طالب حضرتلری دخی بو رأیده ایدوکی حسن دن مرویدر .

یوزمک اوزره صویه کیرن آلتی چوجقندن بریسی غرق اولور . بش آرقداشدن اوچی مغروق ایکی آرقداشلی غرق ایتمدیکنه و ایکیسی اوچ آرقداشلی علیهنده شهادت ایلملرینه مبنی مغروق دینی بشه تقسیم ایدرک ایکی سهمک اوچ آرقداشدن و اوچ سهمک ایکی آرقداشدن الناق لزومه ( علی ابن ابی طالب ) و دیگر مسئلهده اوچ چوجقک درت چوجق علیهلرینه و درت چوجقک اوچ چوجق علیهلرینه شهادت ایلملریله دیتک یدی سهمندن اوچ سهمک درت چوجقندن درت سهمک اوچ چوجقندن استیفا اولنسنه ( مسروق ) حضرتانک حکم ایتمدیکی منقولدر .

جرائمه متعلق دعاویده صبی میز لرك یکدیگرلری علیهنده اولان شهادتلی ( عمر ابن عبدالعزیز ) حضرتلری جائز کورمشلردر . قوه ممیزه اصحابندن بولان صبیانک شهادتلی اتفاق ایدرسه قبول ، و اختلاف ایلرسه رد اولنمق لازم کله جکنه قاضی ( شریح ) ابوبکر بن حزم ، سعید بن المسیب الزهیری ذاهب اولمشلردر . صبیانک شهادتلی حقتده ، ابن عباس ایله ابن الزبیر حضرتانک رأیلرینی ، ابن ابی ملیکه نك صورمسی اوزرینه ، ابن عباس حضرتلری ، بزه جناب حق النجق « من ترضون من الشهداء یعنی راضی اولدیغکمز » شاهدلردن بیورمش اولدیغه مبنی ، صبیان بزم شهادتلی رینه راضی اولدقلر مزدن دکلملردر ؛ و ابن الزبیر حضرتلری ده صبیانک عنداالسوال کوردکارینه شهادت ایتملری کورمینلردن ایقدرلر ، بیورمش اولدقلری ابن ابی ملیکه نك سویلمدیکی

### صیدان شهادتک شرایط قبولی .

- ۱ شهادت نه دیمک اولدیفنی صینک ادراک و تعقل ایتسی ،
- ۲ شهادتی استماع اولنه جق صینک ازکک بولمسی ،
- ۳ صبی شاهدلر ایکی دن آز اولماق ،
- ۴ صبی شاهدلرک شهادتلرنده متفق بولملری ،
- ۵ صبی شاهدلرک تغیر واختفا ایتملرندن اول شهادتلرک ضبط ایدلمش اولماسی ،

۱ شهادت صیانک صیدان حقتده اولماسی .

۷ شهادت صیانک جرمه انحصار ایتمسی .

۸ مشهود بهک صغیر علیهنده اجرا اولمش جرم اولسی بنساء علیه بالغ بر کیسه نك بر صغیری ویا صبی بر چوجنک بالغ بر کیسه نی قتل ایتدیکنه دائر صیانک شهادتی قبول اولتماز . شو شرائطه موافق ضبط اولنان شهادتلرندن صبی ممیز اولان شاهدلر مؤخرأ رجوع ایتسه لر بیله رجوع علیه التفات ایدلر . ینه برنجی شهادتلری نظر اعتباره النور . تعدیل و تجریم لرینه باقیلماز . عداوت و قربتک مانع قبول اولوب اولیه جنی کی صبی انانک شهادتی رد و قبوله علما اختلاف ایتشلردر .

محمة نمیز اعضا-ندن

علی رشدی

### مقاوله اجتماعیه

محرری : ژان ژاق روصو

ژان ژاق روصو فرانسه نك اختلال کبیرنی یاپان فکرلرک اوز آتاسیدر ؛ حقوق اساسیه حقتده کی تلقیاتی کو ستردیکندن بو اثری ترجمه ایدلشدر .

مقدمه . — انسانلری اولدقلری ، قانونلری اوله بیله جملگری صور و اشکالده تدقیق ایدرک حیات مدنیده معقول و امین

طرزده اداره تحری ایتک ایسته یورم . بو یولده حق و عدلک مساعداتی ایله منافعت مقتضیاتی علی الدوام تألیف و توحید ایتکک چالیشیق بدرقه حرکاتم اوله جقدر ؛ تاکه «حق» ایله «منفعت» تعارض ایدمه سینلر .  
زمین تدقیقاتک اهمیتنی توثیق ایتکسزین ایشه باشلا یورم .

« - بویله کنه سیاستله علاقه دار مباحث حقتده اجاله قلم اید یورسک ، سن کیم اول یورسک ؛ حکمدار میسک ، واضع قانون میسک ؟ »

دییه جکلره جوابم پک بسیطدر : - خیر نه حکمدارم ، نه ده واضع قانون ! وهیچ بری اولمادیغ ایچون بونی یازی یورم . بویله برشی اولسه یدم ، پالماسی لازم اولان خصوصاتی سویلمکک ، یازمغه نه لزوم واردی ؛ اولنری یا یاپار ، یا خود اختیار سکوت ایدردم .

امر اداره مملکتده سسوزمک تأثیری نه مرتبه ضعیف اولدیفنی نظر دفته آلمایه رق حر بر مملکتک اولادی اولق مناسبتیه بو ایشلره بنمده بر رأی ویرمکده کی حقم ، استکناه حقایق نظر مده بروظیفه حالنه قلب ایتکک کفایت ایتشدر .  
۱ - موضوع کتیب . - انسان دنیایه حر اوله رق کلیر ، فقط باقلسه هر یرده زنجیر-بند اسارتدر ؛ فلان کندیی دیکرلرینک حاکی ظن ایدر ، حال بوکه تدقیق ایدلسین ؛ او ، اولنلر دنها مقیددر . بو انقلابک صورت حدوثی نه در ؛ بیلمیورم . فقط بونی مشروع ایدن نه اولدیفنی مسئله سنی حل و فصل ایده بیایم .

شاید نظر تدقیقه یالکز قوت ایله تأثیراتی آله رق یوروسه یدم شو طرز محاکمه پک طبیعی اولوردی :  
هر هانکی بر ملت اسارتده قالیر و اطاعت ایدرسه اصابت ایدر ؛ ینه هر هانکی یر ملت - ربه اسارتی نه قدر چاقی قالدیروب آتا بیله جک بر حاله کلیر و آتارسه ، ده ازیاده اصابت ایدر . چونکه حریتی استرداد اید یور ،